

COMMUNICAZIUN A LAS MEDIAS

Puntraschigna, ils 13 da matg 2026

Decisiuns da la 122avla radunanza generala a Puntraschigna

La radunanza generala concluda ina dividenda ed ina dividenda speziala

La 122avla radunanza generala ordinaria da la Repower AG ha gì lieu ils 13 da matg 2026 a Puntraschigna. Las acziunarias ed ils acziunaris han approvà ina dividenda da 5.00 CHF plus ina dividenda speziala da 0.50 CHF per aczia nominala. Tut las propostas dal cussegl d'administraziun èn vegnidas acceptadas.

A la radunanza generala da la Repower AG, che ha gì lieu en il center da congress e da cultura Rondo a Puntraschigna, ha il cussegl d'administraziun pudì preschentar a las acziunarias ed als acziunaris in fitg bun resultat: Repower ha concludì l'onn da gestiun 2025 cun in resultat operativ da 133 milliuns CHF ed in gudogn da la gruppa da 101 milliuns CHF. La quota d'agen chapital è s'augmentada sin 59 pertschient.

Il cussegl d'administraziun ha proponì a la radunanza generala da distribuir ina dividenda da 5.00 CHF per aczia nominala plus ina dividenda speziala da 0.50 CHF. Las preschentas ed ils preschents han approvà l'utilisaziun dal resultat. La distribuziun da la dividenda succeda a quint dal gudogn da bilantscha. Ultra dal rapport annual, dal quint annual e dal quint dal concern han las acziunarias ed ils acziunaris er approvà il rapport davart la persistenza.

Elecziuns

La radunanza generala ha reelegì tut las persunas che fan gia part dal cussegl d'administraziun per in'ulteriura perioda d'uffizi fin a la radunanza generala ordinaria l'onn 2027.

Las persunas reelegidas èn:

- Barbara Janom Steiner (presidenta dal cussegl d'administraziun)
- dr. Urs Rengel (vicepresident)
- Daniel Bucher
- Gian Andri Diem
- Beat Huber
- Giovanni Jochum
- Phyllis Scholl

A la 122avla radunanza generala a Puntraschigna è stada represchentada 6'848'710 da las totalmain 7'390'968 vuschs d'acziuas.

Remartga

- Repower ha publictà ses rapport da gestiun 2025 ils 8 d'avrigl 2026.
- Ils peds salvads a la radunanza generala a Puntraschigna vegnan publictads ils 13 da matg 2026 ca. a partir da las 15.00 sin la pagina-web da Repower en las linguas [DE](#) ed [IT](#).

Ils proxims termins

- publicaziun dals resultats semestrials 2026: 14 da settember 2026
- publicaziun dals resultats annuals 2026: 6 d'avrigl 2027
- 123avla radunanza generala: 12 da matg 2027

Contact

Stefan Bisculm
manader post da medias
t +41 81 423 77 00
stefan.bisculm@repower.com

Repower

L'interpresa Repower è dapi 120 onns activa sco producenta d'electricitad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valorisaziun da l'electricitad, da la produziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricitad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.